

海陽縣志卷十八

建置略二

廨署

禮節附

萬壽宮

與府同

初在雲步法光寺繼移城西新橋頭延壽寺明末又

移於開元寺

國朝光緒二年總兵方耀率紳士郭廷集就東府巷舊通判行署

敬謹移建

據阮通志采訪冊參修

恭遇

萬壽聖節

千秋聖節及元旦冬至令節縣官隨郡城上官望

海陽縣志

卷十八

建置略二

一

闕行禮

恭遇

萬壽聖節縣官隨郡城上官豫設香案於

萬壽宮

皇帝萬歲龍牌之前其日五鼓有司設燎於庭設鐙於門廡夜漏

未盡朝服畢會文武分東西入朝房質明禮生稟鼓二鼓三鼓行

禮引班引入至丹墀內東西序立通贊齊班引班分引至拜位前

立贊進少進贊跪叩興羣官行三跪九叩禮畢仍各回朝房少坐

乃退

先後三日俱蟒衣坐班據續纂大清通禮修

儀仗

龍亭一 龍幄一 龍扇一 椅一

香亭一 龍傘一 梧枚二 盆一

立瓜一 臥瓜一 骨朵二 金鉞二

恭遇

皇太后萬壽聖節

皇后千秋聖節禮節與慶賀

萬壽同

惟先後期  
不坐班

恭遇望

闕慶賀元旦令節禮節與慶賀

萬壽同

先後三日  
蟒衣坐班

海陽縣志

卷十八

建置略二

一一

恭遇望

闕慶賀冬至令節禮節與慶賀

萬壽同

惟不  
坐班

凡宣講

聖諭每月朔望文武各官恭詣

萬壽宮齊集望

闕朝參畢禮生唱排班行三跪九叩首禮興退至講所軍民人等

環列肅聽禮生唱恭請開講司講生詣香案前跪恭捧

上諭登臺木鐸老人捧

上諭牌出并振木鐸跪宣讀畢禮生唱請宣講



朝祭禮典前期齋戒懸齋戒牌遵例照常辦事不理刑名

凡每歲恭遇

列聖忌辰敬設牌位於儀門不報祭不還愿不宴會不作樂不理刑名各官懸帶齋戒牌

八月二十七日

至聖先師生日齋戒禁止屠宰不理刑名

四月初八日佛誕齋戒不宰牲不理刑名

凡遇日食救護之禮預行所屬官司救護禮房書吏設香案於露臺隨食時早晚爲嚮設各官拜位於香案前禮生序立於香案左右金鼓

列儀門樂人列臺下各官素服齊集陰陽生以日初虧告禮生引

## 海陽縣志

### 卷十八

建置略二

四

各官就拜位序立禮生贊上香縣官詣香案前上香贊跪叩興縣官暨各官行三跪九叩禮贊跪縣官就案前跪眾皆跪樂人奉鼓及枹進贊伐鼓救護縣官援枹伐鼓者三儀門金鼓皆作承尉官更番上香分班祇跪陰陽生以日復圓告金鼓止眾聽贊行三跪九叩禮如初禮成皆退月食救護與護日同

據大清會典續纂  
大清通禮修

巡道署舊在金山前寶善坊

國朝康熙二十二年移城西南仁賢坊明尚書黃錦別墅有西園池臺竹木之勝光緒十八年巡道曾紀渠撥款重修二十二年巡道聯元重修署左奎閣

據周志采訪冊修

謹案阮通志載分巡道舊署在金山前後併爲分守道署又

載海防同知署舊在府署西康熙二十四年移寶善坊分巡道署舊署後同知移駐黃岡舊署改建縣倉是今縣倉卽巡道署舊址也明制分守嶺東道駐潮州分巡嶺東道則駐惠州經

國朝裁併設分巡道一員初駐惠州康熙二十二年移駐潮州此時舊署想久圯故移駐今地也

知府署在新街舊在金山之麓本晉義安郡署隋唐以來雖州郡名屢易署皆因之宋景炎三年毀於兵元至正中總管丁聚建爲總管府明洪武初改路爲府遷治於今所通判張傑創建署廨

張傑建署時原有通判推官知事同知經歷照磨檢校等官廨嘉靖四十二年又添設海防同知或裁或增署亦屢改詳職官

### 海陽縣志

### 卷十八

建置略二

五

統元年知府王源成化元年陳瑄六年謝光宏治十年駱瓏十二年同知車份嘉靖二十二年知府龔湜二十五年郭春震三十二年陳敘先後各有增建修改

國朝順治十五年知府黃廷獻重建十七年吳穎康熙元年宋徵璧十二年魏樾祥三十年李鍾麟俱重修光緒三年劉滌年重修八年譙樓西角崩塌張聯桂重修

據阮通志采訪冊參修

捕盜通判署在城東南六十里庵埠鎮舊在府城內乾隆十五年移卽海陽縣丞署舊址建

據阮通志修

教授署在府學明倫堂後乾隆二十七年知府周碩勳重修訓導署在明倫堂左

經歷司署在府署東康熙三十九年裁缺雍正七年復乾隆二十六年知府周碩勳經歷龔煥重修

司獄司署在府署右

陳倉在府治內明崇正間裁督捕通判署改

府常平倉

即永豐倉

五十間在府治左

俱同上

庫在大堂東

據採訪冊修

謹案阮通志庫在大堂西攷今府署廣盈庫在東其西乃除戎庫非貯國帑也

試院在城東隅舊巡按行署明成化間建後改爲試院

國朝康熙三十年知府李鍾麟知縣金一鳳先後重修道光二十九年知府劉潯率紳士邱步瓊朱以鑑劉于山唐際虞勸捐集貲逾萬將舊試院拆去購民居重行拓建創川堂大堂後堂東西官

### 海陽縣志

### 卷十八

建置略一

### 六

廳左右號舍分四廡桌板易以石建奎閣於左側

據張志採訪冊修

潮州鎮總兵署在金山之麓卽晉義安郡隋潮州刺史署元改總管府明初爲府署後遷府署於新街改此爲興化衛分司署二年改爲潮州衛指揮署正指揮高榮重建正統十四年黃蕭養之亂設總兵官駐興甯堡

今平遠縣

嘉靖四十三年移駐潮州府城里仁坊

岳伯亭崇正未始改衛署爲鎮署

國朝康熙十三年毀於叛鎮劉進忠之亂十八年總兵馬三奇重修雍正四年尙濬建箭亭馬道乾隆元年范毓琦建東廳凝輝堂挹翠樓十二年史載賢重修箭亭觀德門十五年胡貴十九年王朝輔二十六年明達嘉慶十三年孫應奉俱重修

據阮通志修

中營遊擊署在府城第六鋪今稱中府前順治十年建

中營守備署在府城第五鋪今稱司巷康熙二十三年建

左營遊擊行署在府城北門街青亭巷內順治十年建

左營守備署在府城東試院照牆後康熙二十七年建

右營遊擊行署在府城東狀元亭巷內康熙二十六年建

右營守備署在府城西門街內名賢廟左康熙三十八年建乾隆

四十年五十九年重修

城守營都司署舊在府城石人橋石人橋見上溝渠今移岳伯亭魚市巷

內舊守備署謹案原設遊擊乾隆二十三年改都司又原設守備一員分防豐順縣嘉慶十四年將守備移撥三水營

軍裝庫在府城內青亭巷康熙二十三年建俱同上

### 海陽縣志

### 卷十八

建置略二

七

火藥庫原在金山乾隆元年建乾隆四十八年嘉慶二十一年先

後重修光緒二年總兵方耀創金山書院將火藥庫一移山側書

院右一移山頂書院後火藥庫又一在山麓係緝捕局建據阮通志採訪冊參修

校場演武廳在西南關外明季毀林杭學有重建演武廳亭記不錄

國朝康熙二十四年總督吳興祚檄知府林杭學重建五十七年

圯於水請帑重建乾隆二十三年震於雷火二十四年重修嘉慶

三年總兵托爾歡重修光緒十九年巡道曾紀渠撥款建左右營

房以駐練軍同上

鬻門山汛營房乾隆二十七年題准部覆動帑建造據阮通志修

謹案邑屬又有庵埠筆架山白石嶺鳳棲葛後坑曲灣松水

烏石英塘鋪等汛營房然建造年代無營冊可稽不能縷述  
姑附此

駐潮運同署在府城東門生融坊柱史巷康熙三十四年潮橋商人公建四十二年裁缺其署半爲潮州衛署半爲商人公所雍正三年總督孔毓珣題復

謹案光緒十五年總督張之洞 奏准另設官運局總辦鹽務權駐在城府治右里仁坊館巷

鹽知事署舊在府城內慶喜庵乾隆二十二年知事潘萬甯移建府前街里仁坊羊玉巷

同知行署在總鎮署右原同知舊署後同知移駐黃岡舊署改建

### 海陽縣志

### 卷十八

建置略二

八

縣倉乾隆二十七年同知田茂椿卽其餘地建

俱同上

古瀛公廨在府治東今稱東府巷原通判舊署後通判移庵埠日久傾

圯乾隆二十七年署通判姜宏正申詳建爲廳縣公署其右畔聽揭陽縣修造永爲揭陽公館光緒二年總兵方耀詳准將廳縣公署敬建爲

萬壽宮

據阮通志采訪冊參修

潮屬盤查所一在郡城和睦坊余府街一在廣濟橋東乾隆二十八年准部咨將李藩臣入官房屋改建

潮運公館在府城竹木門內良極坊雍正十一年運同張士連創建爲各場官赴郡止宿之所

縣丞署舊在縣署左康熙五十七年移庵埠乾隆十四年通判移

駐庵埠將縣丞撤回郡城在大街今稱軍廳巷

教諭署在學宮明倫堂後創建年代詳學校光緒十八年重修

訓導署在尊經閣後尊經閣今圯

典史署在縣署頭門右俱同上

浮洋市司巡檢署在浮洋市廣惠橋頭乾隆二十八年題准部覆

將潮州府永豐倉大使原署裁汰估變移建謹案府志二十七年價買監生李傳偉之

業計地三畝知縣王文徵倡紳士創建與司冊不同今以司冊為據

常平倉一在開元寺西一在縣署內東偏一在城內大街雍正六

年建謹案開元寺西今為廣濟倉大街縣丞署左今為豐順倉縣署內東偏今改建署後為豐裕倉

### 海陽縣志

### 卷十八 建置略二

九

社倉乾隆二十四年總督李侍堯巡撫託恩多

奏准通行建造

俱據阮通志修謹案周志載海陽社倉之設各郡皆有東廂西廂北廂南廂登雲登隆江東水南

八都俱於郡城建倉八座三間上莆楊邊園建倉二座歸仁古巷鄉東莆南溪鄉大和槐梓溝鄉秋溪鋪頭埠鄉建倉各一座共貯

穀一萬二千五百九十三石零九升七合今各倉皆廢而名目猶存姑附識於此

庫在縣大堂西又一在東

據採訪冊修謹案阮通志載庫在大堂西攷今縣大堂東西俱有庫

### 公建

附

養濟院在北門外隄旁久廢

國朝康熙二十三年知縣金一鳳重建既燬於火雍正十二年知

府龍為霖知縣龔崧林建復院內房屋二十四間光緒九年巡道

彭懋謙因房屋坍塌捐金重修

額內孤貧四十三名額外二十一額日給口糧銀一分額內在地丁

項下動支額外在田  
房羨稅項下動支  
十年巡道張聯桂將蓬洲新港口田三百五

十畝每年租銀二百四十兩撥院按月勻給孤貧  
官建 據張志 縣冊 採訪冊修

育嬰堂舊在郡城仁賢坊

國朝乾隆二十七年知縣王文徵移建北門外鳳城驛同治八年

巡道張銑知縣余恩鑠撥充客仔寮田三百一十二畝  
該田除沙 壓實耕係

一百二十  
有三畝 池塘一口並現銀一千兩有奇為經費光緒元年董理

莊道康曾達德稟奉巡道顧元勳於石釘沙田租項下年撥銀七

百兩  
此項至巡道 聯元始發足 五年知府瑞昌八年張聯桂先後撥交現銀五

百兩南畔洲田租項下年五百兩  
十二年佃戶呈奉 府批作四百兩 經就存款買

置鋪屋六間又道府鹽分司縣及上下河局各有月捐二十四年

### 海陽縣志

### 卷十八

建置略二

十

經費不敷董理張西銘王樹勳石之瑛等先後稟奉知府李士彬

現發交捐廉銀二百兩汕頭金山街隙地羨租年撥銀一百四十

兩以資彌補堂中事宜由官督紳辦理詳章程冊  
官建 同上

接嬰堂在東莆金石宮市光緒五年邑人陳進虞倡建接養近都

遺棄嬰女虞卒子謨孫采蘭暨邑人林春如相繼募捐踵成之募

捐之貲俱置產為堂中經費舉公正紳耆輪流董理十三年謨等

以事有成效當垂久遠呈請存案  
民建 據 採訪冊修

癩民所在西門外大和埠  
額內癩民一百二十八名名日給銀一 額外癩民五百一十九名與額內通

融勻給名每日不及一分乾隆九年將府前官地鋪租一百一十

四兩四錢四分並李順捷坦租錢三十五兩二錢七分內除正供  
九兩一錢六分二共銀一百四十三兩六錢二分零撥出一十二兩八  
零湊給癩民 糧存銀四十三兩六錢二分零撥出一十二兩八

錢爲孤貧棺木棉衣之用餘  
儘數攤給癩民口糧 府志

漏澤園

即義塚

一在西門外

俗稱外江圍

一在北門外隄下 一在南關外

一在登榮都 一在北廂都飛鵝嶼

光緒十四年知縣盧蔚猷建 以上官建

一在龍溪

都白墓溝田

相傳明季死於兵者數百人蒙葬爲共塚

一在大鑑鄉隄下

光緒二年紳士陳儀倡建

一在秋溪都堯里 一在黃田山

光緒二十年紳士戴清源稟請建

一在龍溪都庵

埠湖頭市後隴埔園

光緒二十六年紳士劉榮豐捐建

一在北廂都烏塗合龜山

光緒二十七年郡輔仁善堂暨汕同濟善堂紳董同建 以上民建 以上據張志採訪冊參修

希振社在城道署後道光二十九年紳耆爲施給棺木募捐建

誠意社在西關外光緒七年紳耆爲施給歛衣募捐建

方便所在上水門外光緒十九年紳耆爲收養老病募捐建

### 海陽縣志

### 卷十八

建置略二

十一

輔仁善堂在開元前街光緒二十三年紳耆爲講善書施醫藥募

捐建

以上民建 以上據採訪冊修

謹案養濟院以下通志列署廨內松江府志別立名目曰公

建於義爲允從之其中有由官建者由民建者各註於下而

退附廨署之後使不相淆羸焉

義倉在城開元寺東偏咸豐七年巡道趙昀知府伊霖運同顧炳

章知縣汪政諭紳士邱步瓊等勸捐得義穀一萬八千二百八十

八石八年將舊倉地修建計十七廩復買王家地增廣六廩刊立

章程由紳董經管嗣道府縣撥給緝捕局存款並各殷商續捐銀

添買穀五千餘石合舊存穀共得二萬三千九百六十餘石

新義倉在城縣署後豐裕倉西偏門額有郡城義倉匾光緒七年巡道剛毅

諭保安局紳勸捐得義穀一萬零四百二十餘石並會商潮鎮方

耀詳請將豐裕倉西偏地改建計三十二廩以廣儲積十一年局

紳莊道康等稟奉知縣温樹棻年撥當商繳縣請粟銀一半郡餉當向

章每間年繳縣銀六十元名日請粟交紳董買穀上倉申詳在案十四年陞鎮方耀

諭局紳戴清源於澄屬官荒沙坦圍築義隆義豐兩處沙田共一

千四百二十畝計義隆一千一百畝義豐三百二十畝年納租銀二千二百七十餘

兩為義倉公業義隆圍外沙坦現已堅實經紳董周熙殷郭象賢稟奉道憲給照由義倉撥款幫佃圍築又得實耕

田三百九十餘畝十八年巡道曾紀渠撥澄屬石釘沙田租年一千兩籌

防局牌捐銀年一千兩此項嗣因局費不敷停撥暨義倉所有款目歸新設董

海陽縣志 卷十八 建置略二 十一

理經管飭局紳楊淞另擬章程章程共十則不錄稟道府縣存案自十八

年至二十七年陸續買穀一萬二千九百餘石合舊存共得穀二

萬三千三百八十餘石附義倉沙田案略義豐及義隆新圍外向俱有接生子坦光緒二十五年巡道沈守

廉出示招墾該坦盡失保安局紳暨義倉董事乃籌款一千四百餘兩稟請贖回並領藩照現計義豐圍外共得水坦五百畝義隆

新圍外共得水坦六百畝以上民建俱同上